

SCRIPT OF EVENING GOJRI NEWS BULLETIN 9OCT 1700 HRS

ایونینگ گو جری نیوز بلیٹن مورخہ 9 اکتوبر 2025

یوہ آکا شوانی جموں ہے محمد اشفاق تے نصرت چوہدری تیں خبر سُنو۔

HEADLINES

- ۱۔ مرکزی وزیر داخلہ امت شاہ نے اج جموں کشمیر غی حفاظتی صورتحال بارے ایک اعلیٰ سطح میٹنگ کی صدارت کی۔
- ۲۔ عدالت عظمہ جموں کشمیر کا ریاستی درجہ کا معاملہ بارے پلک سنوائی کرے گی۔
- ۳۔ صحت تے طبی تعلیم کی وزیر سکینہ اتو نے صحت کی دیکھ بھال کرن آلا پیشہ ور افراد کی جسمانی تے ذہنی تندرستی تے صحت کی دیکھ بھال کی فراہمی کا مجموعی معیار تے اس کا اثرات بشکار اہم رابطہ ور زور دتو ہے۔
- ۴۔ حکومت نے جموں کشمیر اندر قدرتی آفات سنگ نمڑن بارے ہلاک تے پنچائتی سطح ور ایک کمیٹی نابہ تشکیل دتو ہے۔
- ۵۔ دیہی ترقیات محکمہ نے ضلعی سطح ور مواصلات تے تکنیک بارے پروگرام گو انعقاد کیو تاجے یوٹی پھر مانہ منریگا سکیم کی مضبوطی تے اس کا نفاذ بارے بہتر طریقہ کار سنگ کم کیو جاسکے۔

HM SECURITY REVIEW

مرکزی وزیر داخلہ امت شاہ نے اج جموں کشمیر کی حفاظتی صورتحال ور ایک اعلیٰ سطح میٹنگ کی صدارت کی میٹنگ مانہ لیفٹیننٹ گورنر منوج سنہا مرکزی داخلہ سیکرٹری، انٹیلیجنس بیرو کا ڈائریکٹر ٹپن ڈیکا تے جموں کشمیر پولیس کا سربراہ نلین پرہات، سی آر پی ایف کا ڈی جی، بی پی سنگ، بی ایس ایف کا ڈی جی دلجیت سنگھ چوہدری سمیت مرکز تے مرکز گے زیر انتظام علاقان دیگر سینئر افسران نے شرکت کی میٹنگ گے دوران پیر پنجال خطہ مانہ حفاظتی صورتحال تے یوٹی مانہ جاری ترقیاتی منصوبان گو جانیزو لیو گیو۔ اس دوران وزیر داخلہ نے دہشت گردی خلاف ماسا برداشت نہ کرن غی پالیسی اپنان ور زور دتو تے تمام حفاظتی ایجنسیاں نانہ خبردار کیو تے جموں کشمیر مانہ دہشت گردی کا خاتمہ واسطے مربوط انداز مانہ کم کرن کی ہدایت کی ہے۔

SC STATEHOOD PETITION

سپریم کورٹ پلکیں جموں کشمیر غی ریاستی حیثیت بحال کرن غی درخواستاں غی سماعت کرے غو یے درخواستن بھارتی چیف جسٹس غی عدالت مانہ نمبر 17 ور ہے۔ وکیل سویب قریشی غے مطابق یوہ کیس 10 اکتوبر نانہ چیف جسٹس آف انڈیا غی سربراہی مانہ سماعت واسطے مقررہ ہے انہاں نے کہیو کہ بھارتی حکومت نے اجیں توڑی اس معاملہ ور جواب نی جمع کرایو ہے۔ 14 اگست نانہ ریاستی حیثیت بحال کرن غی درخواست غی سماعت غے دوران سپریم کورٹ نے کہیو کہ حقیقت نانہ مد نظر رکھنو ضروری ہے تے پہلگام حملہ جیسا واقعات نانہ نظر انداز نہیں کیو جاسکتو۔

ITOO SPORTS MEET

صحت تے طبی تعلیم گی وزیر سکینہ اتو نے صحت گی دیکھ بھال کرن آلا پیشہ ور افراد گی جسمانی تے ذہنی تندرستی تے صحت گی دیکھ بھال گی فراہمی گا مجموعی معیار تے اس گا اثرات بشکار اہم رابطہ ور زور دتو ہے وے اج سرینگر گا سرکاری میڈیکل کالج گا ایک ہوسٹل مانہ کھیڈ کود بارے سالانہ تقریب گے دوران خطاب کرتا واں بول رہی تھیں انہاں نے کہیو جے مارا ڈاکٹر تے طبی تعلیم حاصل کر رہیا طلبا صحت گا دیکھ بھال گا نظام مانہ ریڑھ گی ہڈی گی حیثیت رکھیں اس دوران میڈیا سنگ خطاب کرتا واں انہاں نے اس طرح کہیو۔

TOBACCO FREE CAMPAIGN

صحت تے تعلیم گی وزارت نے اج سانجہ طور ور نوجواناں نانہ تمباکو توں دور رکھن خاطر ایک مہم گو آغاز کیو ہے تعلیم گی وزارت گو کہنوبے جے اس مہم سنگ حکومت نوجواناں نانہ منشیات توں دور رکھن خاطر اپنا اقدامات نانہ عملی جاموں پہنا رہی ہے قابل ذکر ہے جے نوجواناں بارے تہاڑا گی اس تمباکو فری مہم گو مقصد تمباکو گا استعمال نانہ کھٹ کرنوں تے بچاں تے نوجواناں نانہ منشیات توں دور کرگے تعلیم گی طرف لیانو ہے تانجے انہاں نانہ باختیار بنایو جاسکے۔ واضح رہ جے ضلع کشتواڑ گا لڑکاں گا ہائی سکینڈری اسکول مانہ اس مہم گو آغاز کرتا واں ایک ریلی گو انعقاد کیو گیو جس مانہ مہارا آکاشوانی گا نمائندہ سنگ گل کرتا واں اسکول گا پرنسپل اشوک کمار نے اس طرح کہیو۔

GST REFORMS TAMILNADU

جی ایس ٹی اصلاحات گو مقصد تامل نادو غی مشہور دستکاری نانہ فروغ دینو تے صنعتی شعباں نانہ فائدو پُجانو ہے سلائی کڈھائی کانچی پوریم ریشم غا کپتا ور ذرعی تے زیورات ور ٹیکس غی شرح 12 فی صد تیں کہتا غے 5 فی صد کردتی گئی ہے اسی طرح لکڑی غی دستکاری روایتی گڑیاں تے کھلونا ور وی ٹیکس 5 فی صد کردت و گیو ہے تانجے کاریگر خانداناں نانہ سہارو مل سکے ماہی گیر خواتین تے چھوٹا پیمانہ ور چیز تیار کرن آلا غی مدد واسطے مچھلی تے سمندری غزا ور وی جی ایس ٹی 12 فی صد تیں کہتا غے 5 فی صد کردتو گیو ہے۔

DISASTER MGT COMM

جموں کشمیر حکومت نے تمام یو ٹی گا علاقاں مانہ ہلاک تے پنجانیت سطح ور قدرتی آفات سنگ نمڑن بارے کمیٹیاں نانہ تشکیل دت وے تانجے قدرتی آفات سنگ نمڑن گی تیاریاں نانہ مضبوط بنایو جاسکے واضح رہ جے ہلاک گی سطح ور کمیٹی گی سربراہی نلاک ترقیاتی کونسل گا چنیرمین کریں غا جس مانہ تحصیلدار بی ڈی او تے چانیلڈ ڈیولپ پروجیکٹ آفیسر بطور ممبر شامل وین گا۔ یوہ وی واضح رہ جے اس کمیٹی مانہ پی ڈی ڈی آر ای ڈبلیو جل شکتی تے پی ڈبلیو ڈی سمیت محکماں گا نمائندہ ہلاک میڈیکل افسر زونل ایجوکیشن افسر اکاونٹ تے سٹیٹیکل افسر وی بطور ممبر شامل وین گا۔ اس تیں علاوہ اگ زنی بارے محکمہ گا نمائندہ تے دو نامزد سر پنچ وی اس پینل گو حصو ریں غا۔

WORKSHOP IT INITIATIVES

دیہی ترقیات تے پنچائتی راج محکمہ نے منریگا غی عمل آوری نانہہ جدید بنان واسطے آئی ٹی ٹیکنالوجی تیں متعلق ضلع سطح غی ورکشاپ شروع کی ہے ان ورکشاپ غو مقصد فیلڈ مانہہ کم کرن آلا عملہ تے دیگر لوکاں نانہہ نوا ڈیجیٹل سیسٹم گا بارا مانہہ تربیت دینو ہے جسراں کہ یک دھارا، این ایم ایم ایس، ای کے وائی سی، ای ایم بی ماڈیلو۔ تربیتی پروگرام کئی ضلعان مانہہ کامیابی سنگ منعقد ہو چکا ہیں۔ جن مانہہ شامل ہے اننت ناگ، گلگام، شوپیان، پلوامہ، ادھمپور رامبن، ڈوڈہ کشتواڑ، جموں ریاسی، راجوری پونچھ تے بارہ مولہ بانڈی پورہ شامل ہیں۔

POSHAN MAAH

پوشن ماہ ابھیان غو مقصد بچاں تے کواتین غی گزائیت مانہہ بہتری لیانو ہے ضلع رام بن غا مختلف آنگن واڑی مرکزیاں مانہہ یاہ مہم چل رہی ہے اس مانہہ خاص توجہ نوعمر لڑکیاں حاملہ خواتین دودھ پلان آلی ماں تے نکہ تیں 6 سال غی عمر توڑی گا بچاں غی صحت تے غزائیت وردتی جارہی ہے آنگن واڑی مرکزیاں مانہہ بچاں تے ماں گو کھان پین، بچاں تے حاملہ خواتین نانہہ ویکسین لانو، صحت غی نگرانی تے ابتدائی تعلیم جیسی سہولیات فراہم کی جارہی ہیں۔ اس بارے گل کرتا واں 2 مستفیدان زوبیدا تے اسما نے اس طرح کہیو۔

CEO KISHT ORDR

کشتواڑ گا چیف ایجوکیشن افسر نے ایک حکم نامو جاری کرتا واں کہیو جے محکمہ اسکول ایجوکیشن گا ملازماں نانہہ ڈی ڈی او کی پیش گی اجازت توں بغیر سی ای او دفتر آن گی اجازت تیں ہونیں اس حکم نامہ مانہہ دسیو گیو جے کجھ تدرسی تے غیر تدرسی عملو بغیر کسے کم گے ڈیوٹی غے وقت سی ای او دفتر دورو کریں جس سنگ معمول کی تعلیمی تے انتظامی سرگرمی بری طرح متاثر ہو رہی ہیں واضع رہ جے اس زمن مانہہ ملازماں نانہہ سی ای او دفتر جان واسطے ڈی ڈی او کی باقاعدہ اجازت حاصل کرنے وے گی اس بارے بولتا واں سی ای او کشتواڑ سنجے دوگرہ نے اس طرح کہیو۔

POLICE JUDO CLUSTER

ویں آل انڈیا پولیس جوڈو کلسٹر 2025 غی میزبانی جموں کشمیر غی پولیس 10 کر رہی ہے جہڑی سرینگر مانہہ شروع ہو گئی ہے یاہ تقریب 16 اکتوبر 2025 نانہہ اختتام پزیر وے غی ملک بھر غی مختلف ریاستاں تے یو ٹی تیں پولی س دستاں تے سی اے پی ایف 2 ہزار تیں متہ کھلاڈی اس مقابلہ حصو لے رہیا ہیں۔ یے مقابلہ شیر و کشمیر انڈور سٹیڈیم تے پولو گراونڈ سرینگر مانہہ ویں گا۔ انتظامیہ نے رہائش، ٹرانسپورٹ، طبی خدمات تے حفاظت سمیت تمام انتظامات مکمل کر لیا ہیں تانجے تقریب بخوبی منعقد وے۔
